

Z A P I S N I K

**SA DRUGE RADNE SJEDNICE SKUPŠTINE KANTONA SARAJEVO, ODRŽANE
U SRIJEDU 26.12.2018. GODINE SA POČETKOM RADA U 10,00 SATI**

Predsjedavajući Elmedin Konaković (U daljem tekstu: Predsjedavajući) je pozdravio sve prisutne u sali i otvorio Drugu radnu sjednicu Skupštine Kantona Sarajevo.

U nastavku je uslijedilo intoniranje drzavne himne.

Sjednici su prisustvuju poslanici/zastupnici:

SDA - STRANKA DEMOKRATSKE AKCIJE

1. Hamed Aljović
2. Jasmina Bišćević-Tokić
3. Samra Ćosović-Hajdarević
4. Aljoša Čampara
5. Mirza Čelik
6. Sabahudin Delalić
7. Mahir Dević
8. Amra Hasagić
9. Admela Hodžić
10. Smiljana Viteškić

POLITIČKA ORGANIZACIJA "NAROD I PRAVDA"

1. Vedran Jakupović
2. Elmedin Konaković
3. Danijela Kristić
4. Amel Mekić
5. Arijana Memić
6. Elvedin Okerić

POLITIČKA ORGANIZACIJA GRAĐANA "NAŠA STRANKA"

1. Vildana Bešlija
2. Neira Dizdarević
3. Edin Forto
4. Vibor Handžić
5. Damir Marjanović

SOCIJALDEMOKRATSKA PARTIJA BOSNE I HERCEGOVINE

1. Damir Nikšić
2. Srna Bajramović Srna
3. Igor Stojanović
4. Samir Suljević

SAVEZ ZA BOLJU BUDUĆNOST BIH – FAHRUDIN RADONČIĆ

1. Jasna Duraković
2. Mirvad Kurić
3. Zvonko Marić
4. Dževad Poturak

DEMOKRATSKA FRONTA

1. Senad Hasanović
2. Bibija Kerla
3. Sead Milavica

NEZAVISNA BOSANSKOHERCEGOVAČKA LISTA

1. Amra Junuzović-Kaljić

2. Fahrudin Pecikoza

Izostanak sa ove sjednice opravdao je zastupnik Haris Pleho.

UTVRĐIVANJE DNEVNOG REDA SJEDNICE

Predsjedavajući je podsjetio da je prijedlog dnevnog reda Druge Radne sjednice Skupštine Kantona Sarajevo utvrdio je Kolegij Skupštine na sjednici održanoj dana 14.12.2018.godine.

Te da je na osnovu člana 73. Poslovnika Skupštine Kantona Sarajevo Kolegij Skupštine Kantona Sarajevo, dana 20.12.2018. godine, prihvatio zahtjev Vlade Kantona Sarajevo, da se Prijedlog dnevnog reda Druge Radne sjednice, dopuni sa sljedećim tačkama:

1. Prijedlog odluke o privremenom finansiranju potreba Kantona Sarajevo za period od 01.01. do 31.03.2019. godine (razmatraće se kao tačka 2.);
2. Prijedlog odluke o davanju saglasnosti na izmjene i dopune Finansijskog plana Javne ustanove „Služba za zapošljavanje Kantona Sarajevo“ Sarajevoza 2018. godinu sa Odlukom o izvršavanju Izmjena i dopuna Finansijskog plana Javne ustanove „Služba za zapošljavanje Kantona Sarajevo“ Sarajevo za 2018. godinu (razmatraće se kao tačka 3.);

Na osnovu naprijed navedenog, Prijedlog dnevnog reda današnje, Druge radne sjednice, glasi:

1. Poslanička/zastupnička pitanja, inicijative i odgovori;
2. Prijedlog odluke o privremenom finansiranju potreba Kantona Sarajevo za period od 01.01. do 31.03.2019. godine;
3. Prijedlog odluke o davanju saglasnosti na izmjene i dopune Finansijskog plana Javne ustanove „Služba za zapošljavanje Kantona Sarajevo“ Sarajevoza 2018. godinu sa Odlukom o izvršavanju Izmjena i dopuna Finansijskog plana Javne ustanove „Služba za zapošljavanje Kantona Sarajevo“ Sarajevo za 2018. godinu;
4. Prijedlog odluke o potvrđivanju Vlade Kantona Sarajevo.

PREDSJEDAVAJUĆI JE POZVAO ZASTUPNIKE NA IZJAŠNJAVANJE O PREDLOŽENOM DNEVNOM REDU I NAKON GLASANJA KONSTATOVANO JE DA JE DNEVNI RED USVOJEN JEDNOGLASNO (32 „ZA”) KAKO JE I PREDLOŽEN.

Nakon usvajanja dnevnog reda uslijedila je realizacija prve tačke dnevnog reda.

Zvonko Marić je predložio da se prva tačka dnevnog reda razmatra kao posljednja i ovaj prijedlog je predsjedavajući dao na glasanje. Nakon izjašnjavanja konstatovano je da je ovaj prijedlog usvojen većinom glasova (24 „za”, 7 „protiv” i 1 „suzdržan”).

AD – 1.

PRIJEDLOG ODLUKE O PRIVREMENOM FINANSIRANJU POTREBA KANTONA SARAJEVO ZA PERIOD OD 01.01. DO 31.03.2019. GODINE

Prijedlog odluke su zastupnici dobili u dopunskom materijalu.

Uvodne napomene podnio je ministar prostornog uređenja, građenja i zaštite okoliša Čedomir Lukić. Po ovoj tački dnevnog reda nije bilo prijavljenih za pitanja i diskusiju pa je uslijedilo izjašnjavanje po ovom Prijedlogu odluke.

PREDSJEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O PRIVREMENOM FINANSIRANJU POTREBA KANTONA SARAJEVO ZA PERIOD OD 01.01. DO 31.03.2019. GODINE.

NAKON GLASANJA KONSTATOVANO JE DA JE SKUPŠTINA DONIJELA JEDNOGLASNO (33”za”) ODLUKU O PRIVREMENOM FINANSIRANJU POTREBA KANTONA SARAJEVO ZA PERIOD OD 01.01. DO 31.03.2019. GODINE.

AD – 2.

PRIJEDLOG ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2018. GODINU SA ODLUKOM O IZVRŠAVANJU IZMJENA I DOPUNA FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2018. GODINU

Prijedlog odluke su zastupnici dobili u dopunskom materijalu.

Uvodne napomene podnio je direktor Službe za zapošljavanje Kantona Sarajevo Muhamed Bekto. Prijavljenih za pitanja i diskusiju nije bilo.

PREDSJEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O DAVANJU SAGLASNOSTI NA IZMJENE I DOPUNE FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2018. GODINU SA ODLUKOM O IZVRŠAVANJU IZMJENA I DOPUNA FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2018. GODINU.

NAKON GLASANJA KONSTATOVANO JE SKUPŠTINA JEDNOGLASNO (33 „ZA”) DONIJELA ODLUKU O DAVANJU SAGLASNOSTI NA IZMJENE I DOPUNE FINANSIJSKOG PLANA JAVNE USTANOVE „SLUŽBA ZA

ZAPOSŁJAVANJE KANTONA SARAJEVO“ SARAJEVO ZA 2018. GODINU SA ODLUKOM O IZVRŠAVANJU IZMJENA I DOPUNA FINANSIJSKOG PLANA JAVNE USTANOVE „SLUŽBA ZA ZAPOSŁJAVANJE KANTONA SARAJEVO“ SARAJEVO ZA 2018. GODINU.

AD – 3.

PRIJEDLOG ODLUKE O POTVRĐIVANJU VLADE KANTONA SARAJEVO

Prijedlog navede Odluke i biografije kandidata zastupnici su dobili uz poziv za sjednicu.

Nadalje, predsjedavajući je podsjetio da je po prijedlogu Kluba zastupnika Naše stranke, a na osnovu člana 203. stav 2. Poslovnika Skupštine Kantona, uz konsultaciju sa dopredsjedavajućim, donio Odluku o imenovanju kandidata za mjesto premijera Kantona Sarajevo gđina Edina Forte, dana 14.12.2018.godine.

Zatim je naglasio da kandidat za mjesto premijera Kantona Sarajevo u skladu sa članom 204. stav 1. Poslovnika Skupštine Kantona Sarajevo dostavlja predsjedavajućem Skupštine prijedloge kandidata za ministre.

Predsjedavajući je informisao da je gospodin Edin Forto navedene prijedloge dostavio 14.12.2018.godine te da su isti prosljeđeni Komisiji za izbor i imenovanje i administrativna pitanja Skupštine Kantona, koja utvrđuje prijedlog odluke o potvrđivanju Vlade Kantona Sarajevo.

Komisija za izbor i imenovanje i administrativna pitanja je na svojoj sjednici od 14.12.2018.godine utvrdila Prijedlog odluke o potvrđivanju Vlade Kantona Sarajevo.

Predsjedavajući Konaković je pozvao kandidata za premijera Kantona Sarajevo, gospodina Edina Fortu, da se obrati Skupštini, iznese svoj Ekspoze i ukratko predstavi buduće ministre i ministrice u Vladi Kantona Sarajevo:

EDIN FORTO KAO KANDIDAT ZA PREMIJERA SE OBRATIO SKUPŠTINI I IZNIO SVOJ EKspoZE TE PREDSTAVIO BUDUĆE MINISTRE I MINISTRICE U VLADI KANTONA SARAJEVO.

Pitanja za novog mandataru su imali sljedeći zastupnici/zastupnice: Aljoša Čampara, Jasmina Bišćević-Tokić, Sabahudin Delalić, Admela Hodžić, Amra Hasagić, Bibija Kerla, Mahir Dević i Damir Nikšić. Nakon iscrpljene liste prijavljenih za pitanja, Kandidat za premijera Edin Forto se obratio Skupštini i dao odgovore na pitanja zastupnika/zastupnica.

U diskusiji o Prijedlogu odluke o potvrđivanju Vlade Kantona Sarajevo učestvovali su sljedeći zastupnici/zastupnice: Samra Čosović-Hajdarević, Mirza Čelik, Jasmina Bišćević-Tokić, Aljoša Čampara, Admela Hodžić i Mahir Dević.

PREDSJEDAVAJUĆI JE POZVAO ZASTUPNIKE DA PRISTUPE IZJAŠNJAVANJU O PRIJEDLOGU ODLUKE O POTVRĐIVANJU VLADE KANTONA SARAJEVO U

CJELINI, U SKLADU SA ČLANOM 205. STAV (1) POSLOVNIKA SKUPŠTINE KANTONA SARAJEVO.

NAKON GLASANJA KONSTATOVANO JE DA JE SKUPŠTINA DONIJELA ODLUKU VEĆINOM GLASOVA (24 „ZA”, 10„PROTIV”) O POTVRĐIVANJU VLADE KANTONA SARAJEVO U SASTAVU KOJI JE I PREDLOŽEN.

SVEČANA IZJAVA

„SVEČANO IZJAVLJUJEM DA ĆU POVJERENU DUŽNOST OBAVLJATI SAVJESNO, PRIDRŽAVATI SE USTAVA I ZAKONA BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO, ZALAGATI SE ZA LJUDSKA PRAVA I SLOBODE I DA ĆU U SVIM PRILIKAMA ŠTITITI INTERESE BOSNE I HERCEGOVINE, FEDERACIJE BOSNE I HERCEGOVINE I KANTONA SARAJEVO I RAVNOPRAVNOST NARODA I GRAĐANA KOJI U NJIMA ŽIVE“.

Predsjedavajući je u svoje ime, u ime dopredsjedavajućih i svih uposlenika u Skupštini Kantona Sarajevo čestitao Vladi Kantona i zaželio uspjeh u budućem radu. Te zaželio ostvarenje uspješne saradnje na zadovoljstvo svih nas, ali prije svega na zadovoljstvo građana Kantona Sarajevo.

Nakon potvrđivanja Vlade Kantona Sarajevo uslijedila je realizacija posljednje tačke dnevnog reda.

AD – 4.

POSLANIČKA/ZASTUPNIČKA PITANJA, INICIJATIVE I ODGOVORI

Zastupnik Samra Ćosović – Hajdarević je podnijela inicijativu kako slijedi: „Zahvaljujem. Radi se o inicijativi. Podnosim inicijativu da se ulica Radićeva, općina Centar Sarajevo preimenuje u ulici Lorda Pedija Ešdauna. Želim samo kratko da obrađim. Kao što znamo 22.12.2018 godine u 77 godini života napustio nas je veliki čovjek i veliki prijatelj BIH gospodin Pedi Ešdaun. Lord Pedi Ešdaun je obnašao funkciju visokog predstavnika Međunarodne zajednice u BIH u periodu od 2002-2006 godine koji je obilježen kao period snažne implementacije civilnog aspekta Dejtonskog mirovnog sporazuma, integracije države, izgradnje državnih institucija, provedbe reformi i period snažnog razvoja državnosti BIH. Gospodin Pedi Ešdaun je do momenta svoje smrti bio trajno opredijeljen za BIH, u prilogu tome govore njegove diskusije u Domu lordova, njegove izjave diplomatske akcije, ali i pismo koje u posljednjim danima svoga života zajedno sa Kristijanom Švaršilinog i Karlom Biltom uputio Visokoj predstavnici EU za vanjske poslove i sigurnosti u kojem je izrazio svoju čvrstu podršku u suverenitetu BIH, te upozorio EU na miješanje RH u unutrašnja pitanja BIH. Ja bih samo citirala njegovo govor: „Ovo je predivna zemlja koja ima potencijal i bogata je talentiranim ljudima kao i bilo koja druga u Europi. Ja vjerujem u BIH, ali ono što je zaista važno je da i vi vjerujete u sebe jer ako je tako, onda vam obećavam da bez obzira koliko dugo to trajalo uspjeh ćete”. Pa evo reći ću, mi vjerujemo u sebe gospodine Ešdan, radi ljudi poput vas, radi Rezolucije o genocidu u Srebrenici koju je Velika Britanija uputila UN-u, radi stalne podrške izgradnji i naše države i njenom reformskom putu, vjerujemo i u prijateljsku Veliku Britaniju. Stoga neka ova inicijativa za koju sam osjećala ljudsku, moralnu ali i političku obavezu kada se realizira bude trajna uspomena na velikog čovjeka i velikog prijatelja BIH ali

i zalog za budućnost prijateljskih odnosa BIH i Velike Britanije. Zahvaljujem. I ja bih ako može zamolila bih službu pošto nisam iz Općine Centar inicijativa da se proslijedi Opštinskom vijeću.”

Zastupnica Segmedina Bajramović Srna je postavila zastupnička pitanja kako slijedi: „Zahvaljujem predsjedavajući. Pozdravljam sve prisutne i naravno iako smo svi već pojedinačno čestitali evo iskoristit ću priliku da čestitam premijeru Edinu Forti i novom sazivu Vlade Kantona Sarajevo i da im zaželim uspješan rad u periodu koji je pred nama. Potpuno razumijem da je pun važnog posla ispred i hvala vam za razumijevanje. Nekako ovo pitanje koje sam pripremila više je bilo upućeno ministru Kazazoviću da nam pojasni neke stvari ali s obzirom na to da roditelji djece čija djeca pohađaju predškolski odgoj u Edusu o kojem smo već jako puno govorili, gledaju nas, očekuju da nešto poduzmemo, ovo je jedno od pitanja koje delegiram ustvari novom sazivu, novoj parlamentarnoj većini i naravno Vladi Kantona Sarajevo i vjerujem da postoji spremnost da se o istom prioritetno pozabavimo. Dakle ono što sam željela pitati ministra Kazazovića da nas izvijesti o konkursu kojim je Vlada Kantona Sarajevo 20.09. odobrila upošljavanje 58 uposlenika u Centru Vladimir Nazor čijim se angažmanom trebao zadovoljiti kadrovski i prostorni kapacitet za rad s djecom za koje su njihovi roditelji predali zahtjev za ranu intervenciju. Moje pitanje u vezi pomenutog konkursa budući i to očekujem naravno od novoimenovane ministrice obrazovanja, gospođe Zinete Bogunić, da se aktivno uključi u ovo, i očekujem da hoće i sigurna sam da hoće. Dakle, budući da ovaj konkurs mora biti u skladu s pravilnikom zaposlenika u radni odnos u predškolskim ustanovama u osnovnim i srednjim školama kao JU na području Kantona Sarajevo, kao jedan od preduslova za raspisivanje javnog konkursa propisano je da su osigurana sredstva u budžetu Kantona Sarajevo i pribavljena prethodna saglasnost Vlade Kantona Sarajevo ukoliko se radi o novom radnom mjestu utvrđenom nastavnim planom i programom i pedagoškim standardima i normativima. Koliko mi je poznato za ove pozicije nisu bila osigurana sredstva u Nacrtu budžeta ko ji je dva puta povučen ranije i očekujem naravno da se ova sredstva planiraju. Šta je do sada uradila interesorna grupa također važno pitanje vezano za ovaj problem za sistemsko rješavanje pitanja programskih, prostornih i kadrovskih rješenja za djecu s poteškoćama u razvoju u specijalnim javnim ustanovama u Kantonu Sarajevo. Koliko puta su se sastajali? Koliko javnih sredstava potrošeno za interesornu grupu i ko čini interesornu grupu da se još jednom podsjetimo i zamolila bih Kantonalnu upravu za inspekcijske poslove da na osnovu člana 17. stav 3) pravilnika za prijem zaposlenika u radni odnos u predškolskim ustanovama osnovnim i srednjim školama kao javnim ustanovama na području Kantona Sarajevo izvrši inspekcijski nadzor nad sprovedenim konkursom i utvrdi zakonitost istog uz molbu svima moji dopise koje smo dobili od Edusa i zabrinutih roditelja u kojima se detaljnije obrazlaže pomenuti problem. Zahvaljujem.”

Zastupnica Bibija Kerla je podnijela sljedeće: „Pa s obzirom da sam ja već dala podršku novoj Vladi sada upravo koristim priliku i da čestitam i želim uspješan rad. A što se tiče današnjih pitanja imam dva pitanja i jednu inicijativu. Prvo pitanje se odnosi na Ministarstvo komunalne privrede Kantona Sarajevo. Da li je voda na lokalitetu Krivoglavci općini Vogošća ponovo a piće i drugu tehničku upotrebu. Obrazloženje. Dana 17.12.2018 godine u sklopu redovne analize vode na lokalitetu Vodovoda Krivoglavci uzet je uzorak vode od strane Zavoda za javno zdravstvo Kantona Sarajevo. Nakon mikrobiološke analize vode ustanovljeno je da ispitani uzorci vode na ovom lokalitetu vodovoda ne odgovaraju prema Pravilniku o zdravstvenoj ispravnosti vode za piće a koje stoji u Službenim novinama broj 40/10, 30/12 i 62/17. U vodi sa lokalnog vodovoda Krivoglavci pronađene su bakterije i klice koje štetno

utiču na zdravlje korisnika a prisustvo istih vidljivo je iz dosadašnjih izvještaja o mikrobiološkom ispitivanju vode a koji je putem faksa proslijeđen opštini Vogošća dana 20.12.2018 godine u poslijepodnevnim satima. Obzirom da ovakva voda nije za piće i drugu tehničku upotrebu mole se korisnici da istu ne upotrebljavaju sve do obavijesti o higijenskoj ispravnosti vode koja će biti dostavljena od strane Zavoda za javno zdravstvo Kantona Sarajevo. Uz to prilažem i Izvještaj o mikrobiološkom ispitivanju vode i molim pismeni odgovor s obzirom da je nova Vlada tek stupila na snagu. Moje drugo pitanje odnosi se na Ministarstvo saobraćaja Kantona Sarajevo. Da li je riješeno pitanja prevoza žitelja padinskih dijelova grada Sarajeva? Obrazloženje: Svjedoci smo da stanovništvo padinskih dijelova grada Sarajeva mjesecima nije imalo prevoza iz centra grada do mjesta stanovanja. Interesuje me da li je taj saobraćaj ponovo normalizovan i ko vrši usluge prevoza na padinskim dijelovima grada Sarajeva? Također pismeni odgovor. Što se tiče moje inicijative, pokrećem inicijativu da se plato Skenderije ubuduće zove trg Dzenana Memića Obrazloženje: Sarajlija Dženan Memić je ubijen 8. februara 2016. u Veliko aleji na Ilidži kad je stradao pod nikad razjašnjenim okolnostima. Do sada smo bili svjedoci velikog broja demonstracija protiv ovoga ubistva i mislim da je krajnje vrijeme da ime ovog momka dobije svoje mjesto u ovome gradu. Mislim da bi ovo trebalo da dođe na Vladu i tek na idućoj sjednici ja bih tražila izjašnjenje naših zastupnika o inicijativi. Hvala lijepa.”

Zastupnica Amra Junuzović-Kaljić je podnijela inicijativu kako slijedi: „Zahvaljujem predsjedavajući. Uz srdačne čestitke novoizabranoj Vladi i sa željom da uspješno i efikasno rade. Imam dvije inicijative u najkraćem kako bi smo išli u što efikasniji rad. Inicijativa prva se odnosi na uvrštavanje projekata u Nacrt budžeta Kantona Sarajevo za 2019 godinu. Dakle molim vas da u Budžet Kantona Sarajevo za kalendarsku 2019 godinu uvrstite projekte sanacije, asfaltiranja i rekonstrukcije vodovodne i kanalizacione mreže sa područja Općine Stari Grad Sarajevo kako je navedeno u prilogu pismeno to prati. Neophodnost izvođenja predmetnih radova na pobrojanim lokalitetima utvrđena je nakon obavljenih konsultacija sa ovlaštenim predstavnicima MZ općine Stari Grad Sarajevo te je po obavljenom uviđaju na licu mjesta od strane stručnih lica nadležnih općinskih službi za upravu Općine Stari Grad. Uz inicijativu prilaže se taj dokument koji i nabroja sve te ulice koje bi trebalo, dijelove kanalizacione mreže koja bi trebala da se rekonstruira. Druga inicijativa, odnosi se na izmjenu Zakona o preuzimanju, izmjenama i dopunama Zakona o zakupu Poslovnih zgrada i prostorija. To je Zakon koji je objavljen u Službenim novinama 14/97, 29/09, 40/15. dakle na osnovu analize i kroz praktičnu primjenu Zakona dajem rješenje izmjene Zakona o preuzimanju i izmjenama i dopunama Zakona o zakupu poslovnih zgrada i prostorija. Osnovna namjera predloženih izmjena jeste da se reguliše predmetna oblast na način na koji bi se izbjeglo da zbog dugotrajnosti i složenosti postupka pri konkretno primjeni postojećeg Zakona imamo neefikasne procedure koje u svojoj krajnjoj instanci idu u prilog zakupcima koji se ponašaju suprotno preuzetim obavezama, odnosno ponašaju se kao vlasnici poslovnih prostora. Ovu inicijativu prati upravo pismeno obrazloženje. Hvala vam lijepo.”

Zastupnik Zvonko Marić je podnio sljedeće: „i ja neću propustiti priliku da čestitam premijeru i ministrima na imenovanju i želim da imaju uspješan rad u danima koji nam predstoje. Ja ću odustati od pitanja naravno radi racionalnosti rad ove institucije ali ću pokrenuti dvije inicijative koje su čini mi se veoma važne. Budući da je odluka Ministarstva prostornog uređenja izazvala puno nedoumica, puno konfuzije, a dodatna pojašnjenja još zakomplicirala stanje što govori o tome da nisu o tome na pravilan način procijenili kako da donesu odluke. Na osnovu člana 213. Poslovnika Skupštine Kantona Sarajevo podnosim inicijativu da Skupština Kantona Sarajevo sukladno sa članom 119. i 120. Poslovnika Skupštine Kantona Sarajevo donese sljedeći zaključak:

1.Stavlja se van snage upozorenje broj 05/03-23-37335/18 od 13.11.2018. godine u kojem Ministarstvo prostornog uređenja, građenja i zaštite okoliša Kantona Sarajevo zahtjeva od etažnih vlasnika dostavljanje dokaza o etažnom vlasništvu u skladu sa članom 50. stav (9) Zakona o upravljanju zajedničkim dijelovima zgrade (Službene novine KS broj 19/17)

2.Rok za dostavljanje iz gore pomenutog upozorenja se prolongira dok ministarstvo ne pronade rješenje za nedoumice po pitanju načina izvršenja člana 50. stav (9), pitanja zaštite ličnih podataka i slično...

3.Zbog toga što je nastao problem u provođenju gore pomenutog upozorenja nijedan etažni vlasnik ne smije biti kažnjen zbog nedostavljanja dokaza o etažnom vlasništvu

4.Nalaže se Ministarstvu da u roku od 2 mjeseca pronade najlakše rješenje ovog pitanja tako što neće izlagati etažne vlasnike dodatnom trošku, ukoliko je potrebno i da predloži izmjene i dopune postojećeg zakona, kao i podzakonskih akata. Ovom prilikom obavještavam javnost i građane da o svim problemima koji se javljaju u oblasti upraviteljstva mogu pismeno obavijestiti Komisiju za prostorno uređenje, stambenokomunalnu politiku, infrastrukturu i zaštitu okoliša Skupštine Kantona Sarajevo u ulici Reisa Džemaludina Čauševića broj 1. I jedna mislim korisna inicijativa, i vi ste predsjedavajući govorili u nekoliko navrata o tome i slagao sam se sa svima onima koji su govorili o ovom pitanju. Na sjednici Vlade Kantona Sarajevo 13. decembra 2018. godine Vlada KS je iznos od 300 hiljada KM iz budžeta Ministarstva obrazovanja, nauke i mladih Kantona Sarajevo preraspodijelila sredstva za Projekat vodosnabdijevanja dolazne stanice žičare na Vidikovcu, što je svojevrsni skandal. Vodosnabdijevanje dolazne stanice i budućeg hotela ne smije biti prioritet naspram obrazovanja djece sa poteškoćama u razvoju kojima niste obezbjedili dovoljan novac za njihove projekte koji su od krucijalnog značaja i predstavljaju svojevrsno nasilje nad ovom osjetljivom kategorijom našeg društva, stoga predlažem: Na osnovu člana 213. Poslovnika Skupštine Kantona Sarajevo predlažem da se taj novac vrati u Ministarstvo obrazovanja i raspodijeli na udruženja Kolibri i Edus u iznos od po 150.000 KM. Hvala puno.”

Zastupnica Admela Hodžić je podnijela inicijativu kako slijedi: „Zahvaljujem. Koristim priliku da čestitam novoizabranoj Vladi i poželim uspješan rad. Ovako, imam jednu inicijativu. Podnosim inicijativu za hitno stavljanje van snage Pravilnika sa kriterijima za prijem u radni odnos u predškolskim ustanovama , osnovnim i srednjim školama kao JU na području Kantona Sarajevo. Obrazloženje: član 6 koji tretira radni staž. Član 6. Pravilnika koji je stupio na snagu 08.10.2017 godine najgrublje se njim krše osnovana ljudska prava i najgrublje diskriminiraju građani koji se prijave za konkurs za prijem u radni odnos u ustanovama odgoja i obrazovanja u predškolskim ustanovama , osnovnim i srednjim školama Kantona Sarajevo. A odnosi se na sljedeće: kandidat koji konkuriše za posao u ustanovi po osnovu radnog staža za svaki navršeni mjesec dobija sljedeći broj bodova, u ustanova odgoja i obrazovanja na poslovima koji odgovaraju stručnoj spremi radno mjestu predviđenom pravilnikom u unutrašnjoj organizaciji i sistematizaciji radnih mjesta koji se traži konkursom 0.25 bodova. U ustanovama odgoja i obrazovanja na Poslovnika nastavnika, profesora, odgajatelja, stručnog saradnika, saradnika, pomoćnika direktora, ili direktora 0.20 bodova. Izvan ustanove odgoja i obrazovanja nakon stjecanja stručne sprede predviđen je pravilnikom o unutrašnjoj organizaciji i sistematizaciji radnih mjesta koji se traže konkursom 0.05 bodova. U ustanovi koji se boduje još 0.10 bodova. Prema važećem Pravilniku osoba koja se prijavi na konkurs a koja je svoje radn iskustvo stekla van ustanove odgoja i obrazovanja za 12 mjeseci radnog staža sa diplomom VSS dobit će 0.60 bodova. Dok će osoba sa istom diplomom sa 12 rada u ustanovi odgoja i obrazovanja dobiti 2.40 bodova plus 0.10 bodova za svaki navršeni mjesec u ustanovi u kojoj se boduje. Na ovakav način bodovat će se stručni saradnici, saradnici, nastavnici, učitelji koji silom prilika rade neke druge poslove da prehrane porodice. Njihove kolege koje imaju više sreće i rade u ustanova odgoja i obrazovanja novim pravilnikom uvijek dobiju više bodova za isti radni staž i uvijek će imati veliku prednost za

posao zbog toga što njihov rad vrijedi četiri puta više. Na ovakav način boduje se i domar i čistačice sigurno zbog toga što manje čiste u drugim firmama. Na osnovu koje ekspertize ste zaključili da naše godine radnog staža vrijede manje. Da li mislite da vas niko neće tužiti za diskriminaciju i ko će snositi odgovornost i nadoknaditi štetu ukoliko do toga dođe. Molim vas da mi odgovorite u pisanoj formi na čiji prijedlog je ovakav Pravilnik predložen i na koji način je donesen. Molim nadležne da što prije stave van snage ovakav pravilnik. Zahvaljujem.”

Zastupnica Vildana Bešlija je podnijela sljedeće: „Hvala predsjedavajući. Naravno čestitke novoj Vladi ne bih da dužim i iskreno razmišljala sam da li da se uopšte javim po ovom pitanju a ustvari tiče se inicijative oju sam postavila na prošloj sjednici i koju su vrlo sličnu imali evo i sada i tada kolegica Segmedina Srna i kolega Marić. Međutim, s obzirom da je kratak rok, s obzirom da je danas već 26 decembar, da smo imali odluku Ministarstva i ljudi koji su do maloprije sjedili tu na način na koji su to uradili, koji nije bio kako treba, tražili smo prvenstveno ja da se taj rok za dostavljanje upraviteljima, odnosno od etažnih vlasnika produži za 25 dana itd sada imamo već jednu malo drugačije formulisanu inicijativu da se to uopšte i stavi van snage. Meni je posebno važno da pošaljemo jasnu poruku građanima šta smo odlučili danas jer je 26 decembar jer nismo konkretan odgovor dobili ni ranije. Znači ako se slažemo s tim da se to povuče da se odmah građani adekvatno i putem sredstava informisanja obavijeste. Da se zaduže upravitelji da skinu sve prethodno postavljene obavijesti u haustorima zato što to onda evidentno nije više na snazi i da se ukloni to i da se na isti način obavijeste kao što dostavljaju račune građani i onome šta ćemo raditi u budućem periodu po ovom pitanju. Znači samo tražim promptnu reakciju na već postavljenu inicijativu prošli put.”

Zastupnik Dževad Poturak je pokrenuo inicijativu kako slijedi: „Zahvaljujem predsjedavajući. Ja ću se priključiti čestitkama novoizabranoj Vladi i želim im uspješan rad. S druge strane svjedoci smo u proteklih šest mjeseci a možda i u dužem periodu da je povećan stepen kriminala na ulicama Kantona Sarajevo i ja ovom prilikom pokrećem inicijativu da policija Kantona Sarajevo radi više na preventivnim mjerama na suzbijanju kriminala u Kantonu Sarajevo. Tražim veće prisustvo policajaca, ja sam isto jedan od ljudi koji kreće se ovim kantonom uzduž i poprijeko i stvarno sam sretan kada dođem u susret sa policijom i vidim ih na svakom koraku. Međutim to se dešava isključivo onda kada se desi neki veći problem na Kantonu Sarajevo i onda se pojave policajci. Međutim šta je do tada ja se pitam ko je sljedeći i ko će se sljedeći od nas naći u problemu i u sudaru sa kriminalom. Hvala.”

Zastupnik Zvonko Marić je imao intervenciju: „Zahvaljujem predsjedavajući. Ovo što je kolegica Bešlija rekla i kolegica Segmedina Srna mi smo razgovarali i prošli put. Žao nam je što oni nisu koji su uzrokovali ovu konfuziju tu ali volio bih da se izjasnimo i kako kaže kolegica Bešlija pošaljemo jasnu poruku građanima o ovim inicijativama. One će sada biti podijeljene zastupnicima štampane pa ako je moguće malo strpljenja da se odmah izjasnimo o ovoj našoj mjeri kako bi spriječili daljnju konfuziju i ona pojašnjenja koja su dolazila iz Ministarstva građenja. Ako je moguće...”

Predsjedavajući se uključio u diskusiju: „Mislim da bi smo mogli ući u problem sa eventualno nekim dijelom Zakona koji ovo propisuje. Možda bi bolja procedura bila da ovu proceduru hitno prosljedimo novom ministru, on da hitno reaguje i da pokrene hitno izmjene i dopune tog dijela Zakona a da se javnost obavijesti da će Skupština u novom sazivu imati drugačiji stav po ovom pitanju. Bojim se da nam zaključak ne bi ušao u problem sa zakonom na koji se pozivalo Ministarstvo. Tako vas molim za malo strpljenja a naravno ministar može već sada

djelovati, može od sutra sugerisati službama, uputiti pismo novo, zaustaviti to, prolongirati na određeni period a da onda vašu inicijativu podržimo izmjenu ovog dijela Zakona.”

Zastupnik Zvonko Marić je opet intervenisao: „Zahvaljujem predsjedavajući. Slažem se. Ali zaista sam se pozvao na neke članove Zakona koji omogućavaju tako nešto i mislim da mi nemao zapreka za to. Međutim ako cijeni većina ljudi da je to možda bolji, ispravniji put ja nisam pravni ekspert, ali mislim da isto tako mislim za ovu drugu inicijativu ova sredstva od 300.000 KM ako hoćete možemo da se izjasnimo, i ako postoji zakonska zapreka onda da na isti način delegiramo resornom Ministarstvu kako bi se poduzeli koraci i vratio ovaj novac koji je rekao bih nesmotreno ili zlonamjerno upućen ili iz nekih interesnih pobuda za projekat koji nama nije bitan toliko.”

Zastupnik Damir Nikšić je uputio čestitke Vladi i istaknuo sljedeće: „Ja bih samo htio da zamolim buduću Vladu i nas ovdje u Skupštini da obratimo pažnju na ovo što smo danas imali jer s jedne strane smo imali diskriminaciju građana i kako se to kaže, stvaranje građana prvog i drugog reda u gradu Sarajevu što već traje više od 20 godina i ja sam svjedok tome. Htio bih da se ova Skupština i ova Vlada potruži da toga više ne bude. S jedne strane je bila kritika pozivali smo na Europsku konvenciju ljudskih prava na građansko društvo, na građanski Kanton, da bi trebali da uvažimo i 40% pola u ovom slučaju žena u Vladi i nacionalni sastav i kada je premijer Forto rekao da će se raditi na klimi nije se to dobro razumjelo, a ja bih volio da se razumije da to bude zadatak ove Skupštine i da s radi na toj klimi jer sama klima u Sarajevu naročito počevši od toga ko je gdje bio 92, 95, 96, je otjerala mnoge druge iz ovog grada i mi nemamo dovoljno ni Srba ni Hrvata, nikoga ko bi htio da pomogne ovom gradu. Bio je negdje školovao se, možda bi se vratio, možda bi nešto napravio. Radi takve klime i radi takvog mentaliteta koji je opasan za ovaj grad i podsjećam i dobro je kolega Čampara treba da bude kozmopolitski. I u tome grmu leži zec i ovoga popisa iz 91 i popisa iz 2013 i toga da li mi imamo dovoljno Srb i Hrvata da ide za federalni parlament. Dakle sve potiče od te klime među građanima. I ja bih volio da mi radimo na toj klimi jer ja nemam namjeru da se osjećam građaninom drugog reda u gradu Sarajevu dalje, ni jedan dan dalje, počevši evo da obznanimod danas, i ja bih volio da me podržite u tome, mene kao građanina i kao parlamentarca ovdje i da mi neko obeća, ili da zajedno obećamo ili da se dogovorimo da će to biti jedan od prioriteta u ovom gradu koji je glavni grad BIH, glavni grada F BIH, i da ćemo koristiti medije ili školstvo, obrazovanje i sve to da radimo, naročito ovaj medij koji pripada KTV da širi takve vibracije i takvu klimu u Kantonu Sarajevo. I ja bih eto molio da razumijete koliko sam osjetljiv na te stvari jer živim već duži vremenski period kao građanin drugog reda. Moji roditelji su bili građani drugog reda na Grbavici tokom rata, a ja sam 20 godina i više građanin drugog reda ovdje u Sarajevu i mogu posvjedočiti to pred bilo kakvim sudom za ljudska prava. A nisam i neću da ulažem neke tužbe već bih volio odavde da poradim na tome da mi pomognete i da svi zajedno uradimo tu stvar da ovo bude grad za sve Bosance i Hercegovce, za sve nas. Hvala.”

Predsjedavajući je konstatovao da je iscrpljena lista prijavljenih za zastupnička pitanja i inicijative i informisao je sljedeće: „Konsultacije šefova klubova, premijera ćemo imati u sali 100 sada, kako bi smo dogovorili održavanje hitnog Kolegija, održavanje sjednice Vlade, održavanje hitne sjednice Skupštine Kantona Sarajevo. Planirajte zastupnici da će ona biti sazvana u 16,30 jer je prije toga potrebno, imate vremena za ručak. U 16,30 bit ćete obaviješteni mailovima, SMS, telefonima, situacija je vanredna i molim vas da u 16,30 planirate održavanje hitne sjednice. Do tada konsultacije u sali 100, šefovi klubova, premijer. Hvala.”

Rad na Drugoj radnoj sjednici Skupštine Kantona Sarajevo zaključen je u 14,00 sati.

Zapisnik izradila:

Jasminka Deliahmetović

Po ovlaštenju

S E K R E T A R

SKUPŠTINE KANTONA SARAJEVO

Almira Kulovac Šetkić, dipl. Pravnik

P R E D S J E D A V A J U Ć I

SKUPŠTINE KANTONA SARAJEVO

Elmedin Konaković

Sastavni dio ovog zapisnika su stenografske bilješke.